

Bolaligim — poshsholigim!

ERKATOY®

2018 y. Mart №3 (81)

bolalar jurnali




GO'ZALLIKLAR OLIB KEL –BAHOR

Hovlimizda ochilgan binafshaning hididan uyga kirgan kishining bahri dili ochiladi. Bodomning gullari, daraxt shoxlariga taqilgan munchoq misoli ajib bir zeb bag'ishlaydi. Do'stim, siz va biz kutgan— Bahor keldi! Tog'dagi ayiqlar ham uyg'ondi hatto, arilar esa bahoriy qo'shiqlarini aytishga oshiqdi go'yo. Bu kundan siz ham yangi rejalar yangi marralar orzusida bo'lsangiz ne ajab. Axir bahor faslining bir-biridan go'zal bayramlari kishiga ko'tarinki kayfiyat bag'ishlaydi. Fursatdan foydalanib, biz bilan do'st tutingan jamiyki go'zallik malikalarini ushbu kun munosabati bilan chin qalbimizdan tabriklaymiz! Bahoriy gullar misoli go'zalik onalarimizni, siz opa-singillarimizni hech qachon tark etmasin!

Xalqimizning yana bir bahoriy bayrami borki, bu kuni ko'k somsa-yu, sumalakning xushboy isi dimog'ni qitiqlaydi. Anglaganeningizdek bu — Navro'z bayramidir. Yurtimizga tinchlik, xalqimizga osoyishtalik, siz zukku farzandlarga esa kuchg'ayrat va shodlik olib kelsin! Bayramingiz muborak bo'lsin!

Sizning Erkatoy





KELAR NAVRO'Z

Shermat Yormatov musiqasi
Normurod Narzullayev she'ri

Shamol ila maysalarni oralab,
Daraxtlarda kurtak chiqar mo'ralab.
Boychechakka quyosh taftin beribdi,
Oppoq qoru muzlar, qarang, eribdi.

Naqorat:

Kelar Navro'z, keldi Navro'z, gul Navro'z.
Kelar Navro'z, keldi Navro'z, gul Navro'z.

Soch popuklar qilib dona bolalar,
Xursand bo'lib qushlar qilar nolalar.
Boychechakka quyosh taftin beribdi,
Oppoq qoru muzlar, qarang, eribdi.

Naqorat.



810315

♩ = 110 13

Yakkaxon:

Sha-mol i - la may-sa-lar - ni o - ra - lab,

Birinchi marta

Da-raxt-lar-da kur-tak chi-qar mo'ra - lab, Boy-che-chak-ka qu-yosh taf-tin

Birinchi marta

bc-rib-di, Op-poq qo-ru muz-lar, qa-rang, e-rib-di,

Naqorat:

Ke-lar Nav-ro'z, kel-di Nav-ro'z, gul Nav-ro'z, Ke-lar Nav-ro'z, kel-di Nav-ro'z,

5 1. Tamomlash uchun 3

gul Nav-ro'z, gul Nav-ro'z,





LOLANING ORZUSI




Bahorning iliq kunlaridan birida, Anvarjonlarning darvozasi yonida bir lola unib chiqibdi.

Qarasa, atrofida turli xil gullar bo'y taratib turgan ekan. Atirgul, boychechak, binafshalarga qarab jilmayipti-yu, o'ziga o'xshagan lola yo'qligidan biroz o'ksinibdi. Shuning uchun u o'zini yolg'iz his qilibdi.

Bir kuni ertalab, quyosh nurlarining tarovatida lola g'unchasini erkalanib ochibdi. Qo'shni darvoza etagiga qarasa, huddi o'ziga o'xshagan lola unga hayrat ko'zi bilan boqib turgan emish. U juda suyunib ketib: "Nihoyat men yolg'iz emasman," - deb qichqirib yuboribdi. O'sha kundan boshlab qo'shni uy etagidagi "do'sti" bilan bir joyda bo'lishni orzu qila boshlabdi. Shu payt quyosh yuzini qara

bulut to'sib, qattiq shamol bo'libdi. "Shamol bo'lgani yaxshi bo'ldi-da, balki u menga yordam berar," - deb o'ylabdi lola. Keyin esa shosha-pisha barglari va g'unchasini yopa ketibdi. Shamol yana ham kuchli esib, lolani qo'shnining uyi tomonga elitib tashlabdi. Ammo zarg'aldoqning bardoshi tugab, nobud bo'libdi. Nihiyat shamol tinib, quyosh o'z chehrasini ko'rsatibdi. Bolalar iliq havoda o'ynash uchun ko'chaga chiqishibdi. Zilola ismli qizaloq yerda yotgan gulni korib, darrov yonidagi lolaning oldiga ekib qo'yibdi. Lola omon qolibdi. Uning orzusi ushalib, do'sti bilan yangi hayot boshlabdi.




Shahnoza Bahromjonova

IGNADAN BALAND

Bahor fasli kelib, kunlar isiy boshlagach, siz bolajonlar ko'chada o'ynashga oshiqasiz. Siz do'stlarimiz zerikmasligingiz uchun sizlarga bir-biridan qiziqarli o'yinlarni o'rnatib kelyapmiz. Bu galgi o'yinimiz ham sizlarga albatta manzur bo'ladi.

Bir qarashda bu o'yin oddiygina quvlashmachoqqa o'xshaydi, lekin undan da qiziqarliroq. Avvalo 6 yoki 8 bola yeg'ilib: "Oyim berdi pomidor, ishonmasang sanab ko'r", - deb 10 gacha sanaydilar. Qaysi bola o'ninchini bo'lsa o'sha bolalarni quvlaydi. Yugurish mobaynida yerdan ozgina baland joyga chiqib olsangiz sizni tutish mumkin emas. Quvlayotgan bola kimni tutib olsa, o'sha o'yinni davom ettiradi. Bu o'yin sizlardan chaqqonlikni va ziyraklikni talab qiladi.



QUYOSH VA YOMG'IR "TIKKAN ATLAS"

Quyosh va yomg'ir qanday qilib atlas tikar ekan, deb boshingizni qotirmang. Buni hozir bilib olasiz. Aytingchi? Bahor faslida tabiatning eng go'zal manzaralari hodisasi nima? Albatta bu – kamalak. Yomg'ir yog'ayotganida quyosh ko'rini tursagina kamalak paydo bo'ladi. Uni ko'rish uchun quyosh bilan yomg'ir o'rtasidagi markazni topish kerak. Quyosh nurlari yomg'ir tomchilarida jilolanib, ulardan "spektr" hosil qiladi.



Nurdagi ranglarni tarkibiy qismlarga, ajratuvchi moslama "prizma"dir.

Ranglarni bir-biridan ajratuvchi taram-taram rangli chiziqlar esa "spektr" deb ataladi.

TAJRIBA

Kompakt diskni olib, yaxshilab artib tashlang. So'ng deraza oldiga ya'ni yorug'lik tushib turgan joyga qarating. Diskga qarab turing va kamalak ranglarini jilovlanishini maroq bilan kuzating.



Navro'z bayrami kuni uyimizda hamma qarindoshlar yeg'ilib sumalak qildik. Men ham do'stlarimni taklif qildim. Biz kattalarga yordam berdik. Buvim bizga sumalakka solish uchun mayda toshlardan terib kelishimizni iltimos qildilar. Bir talay har xil toshlarni terdik va sanab ko'rmoqchi bo'ldik. Nozim 6 ta, Akbar esa 8 ta, Bahrom 5 ta to'sh terishibdi. Hammasini qo'shgandik jami bo'lib 25 ta tosh teribmiz. Men esa qancha tosh terganimni sanab ko'rmadim? Aytingchi, kamina qancha tosh terdim?



Aziz do'stim! Endi esa mana bu boshqotirmani ham toping-chi.

$$\begin{array}{ccc} \text{pencil} & + & \text{pencil} \\ & + & \text{pencil} \end{array} = 24$$

$$\begin{array}{ccc} \text{pencil} & + & \text{pen} \\ & + & \text{pen} \end{array} = 22$$

$$\begin{array}{ccc} \text{pen} & - & \text{eraser} \\ & - & \text{eraser} \end{array} = 4$$

$$\begin{array}{ccc} \text{pencil} & + & \text{pen} \\ & + & \text{eraser} \end{array} = ?$$

Dilnoza Sharipova,
Buxoro shahri,
32-maktab o'quvchisi.

DOSTON AHMEDOV: "KATTALARINI HAYRATLANTIRSANGIZ, ULAR YOSH BOLADAY ZAVQLANIB KETADI!"

"Abadayniy", "shabadayniy", "kuf-suf". Bu sirli so'zlar barchamizga yaxshi tanish. Yosh bo'lishiga qaramay xilma-xil fokuslari bilan ko'pchilikni lol qoldirib kelayotgan Doston Ahmedov sahifamizning bu galgi mehmoni.

Ko'zboylog'ich bo'lish uchun...

Bundan uch yil avval dadam bir qiziq fokus ko'rsatdilar. Buni qanday uddalaganliklariga hayron qolib, bu sohaga qiziqishim yanada ortdi. Dadam ham yoshliklarida katta-katta davralarda ko'zboylog'ichlik qilib, barchani olqishiga sazovar bo'lgan ekanlar. Men ham ularday bo'lishga intilmoqdaman. Aslida, ko'zboylog'ich bo'lishga tayyorlaydigan

hech qanday o'quv yurti yo'q. Sizda qiziqish bo'lsa albatta mehnat qiling, shunda fokus sirlarini o'rganib olishingiz mumkin. To'g'ri, ko'pchilikni oldida ba'zan fokus o'xshamay qolishi mumkin. Bunday paytlarda men hech tushkun-

likka tushmay, go'yoki huddi shunday bo'lishi kerakday vaziyatdan chiqib ketaman.

Rekvizit nima?

Rekvizit deganda ko'rsatmoqchi bo'lgan fokusingiz uchun kerakli buyum. Ya'ni fokusning hamma sir sinoati o'sha buyumda mujassam bo'lgan. Rekvizit quti, shisha idish, soyabon va turli buyum ko'rinishida bo'lishi mumkin. Har bir rekvizit bilan ishlash o'ziga yarasha murakkab. Maqsad tomoshabinni hayron qoldirish. Eng zavqli jarayon, kattalarni lol qoldirsangiz ularning ko'zlari chaqnab, yosh boladay quvonib qarsak chalishadi. Bu menga olam-olam zavq bag'ishlaydi.



810896

Kelajakda Doston Ahmedovdan bir-biridan qiziq fokuslarni kutib qolamiz! Aytgancha, aziz muxlis, siz Doston Ahmedovning rang-barang fokuslarini erkatoj.uz sayti orqali miriqib tomosha qilishingiz mumkin.

Shahnoza suhbatlashdi.



Ko'kda jilmaysa quyosh,
Ham osmon to'ksa ko'zyosh.
Bahordan berib darak,
Paydo bo'lar (.....)



Go'zalligi bir olam,
Uni sevar har odam.
Tikoni bor, atri mo'l,
Buning oti



Qora qoshli qizaloq,
Qirlarda o'sar o'rtoq.
To'kilar qo'ling tegsa,
Topaqol, topqir bo'lsang.

Bahordan berib darak,
Qor ostidan jilmayar.
Boshin egib kelindek
Uyalgancha iymanar.



Qor tagidan mo'ralar,
Keling deb do'st, jo'ralar.
Tog'larda yoqut piyola,
Bahor erkasi (.....)

ONA

Ona, ona, onajon,
Yonimdasiz har qachon.
Yoqimlidir yuzingiz,
Dilga yoqar so'zingiz.



BODOM

Men bahorning elchisi,
Gullayman-da birinchi.
Qomatimga qarangiz,
Omadda ham birinchi.

Gulisanam Bafolmurodova,
Buxoro-shahri,
Shofirkon tumani,
17-maktab o'quvchisi



BAHOR

Bahor keldi yugurib,
Qish faslining so'ngida.
—Qoch, yo'lim bo'shat, dedi,
Yo'l bergen endi menga.



TUSH

Kecha ajib tush ko'rdim,
Malikadek yuribman.
Oltin aravakashda,
Hatto tushlik qilibman.
Ohista qadam tashlab,
Bir saroyga kiribman.
Shohona dasturxonda
Aziz mehmon bo'libman.
Shu payt bir ayol kelib,
Qo'limdan ushlab oldi.
Uyg'onsam oyim ekan,
Attang tush tugab qoldi.

Maysara Madrimova,
Toshkent shahri,
Sirg'ali tumani
8-maktab o'quvchisi.


Put the word in the correct column.




COUNTABLE

UNCOUNTABLE


O'xshadimi?



*Islom Jiyamov,
Toshkent shahar,
Chilonzor tum., 5-sinf o'quvchisi.*



*Yana Gulyazeddinova,
Toshkent shahar,
280 - maktab o'quvchisi.*



*Maxmudova Dinara,
Samarqand shahar,
20-maktab, 5-v sind o'quvchisi.*



*Mirma'sud Bahromjonov,
Toshkent shahri,
302- maktab, 3- sind o'quvchisi.*



*Abdurashidova Nozigul,
Samarqand shahar,
20-maktab, 5-v sind o'quvchisi.*



*Shirin Mirhalidova,
Toshkent shahri,
Chilonzor tum., 5- sind o'quvchisi.*

Здравствуй, друг!


Пирамида



Помоги ребятам построить пирамиду.
Число на каждом кубике получается
сложением чисел на двух кубиках,
стоящих под ним.

O'zing bo'на





811572

Ushbu rasmning rangli qismlarini yelim-qog'ozdan kesib, o'z o'rniغا yopishtiring.



ERKATOY

Biz birligida bir oylamiz!

Ma'naviy-ma'nifiy, adabiy-badiy nashr
Muassisasi: "Maltbuqt info media servisi" MChJ
Bosh muhamiri: Nodir Yusupov
Rassom: Hiliola Jo'rabyeva
Sahifalovchisi: Andrey Paxunov

Tahririyat manzilli: 100011, Toshkent shahri, A.Navoiy ko'chasi, 16^{-uy}, 514^{-xona}. Tel: 0(371) 241-03-35, (593) 574-81-61

Tahrir hay'ati:
Iqbol Mirzo (hay'at raisi)
Sherman Yormatov
Bahodir Sharofov
Vohid Luqmon
Orif To'xtash
Nodir Jonuzog'

Jurnal 03.12.2013 y. O'zbekiston Matbuot va axborot agentligidagi 0832 raqamli guvohnoma olgan.

"Sano Standart" MChJ bosmaxonasida chop etildi.
Manzil: Toshkent sh. Olmazor tumani Shiroq ko'chasi 100-uy.

Buyurtma raqami -
Bichimi - 70/100 1/16 Nusaki - 10 000

Jurnal "Erkatoj" tahririyati
kompyuterlarda sahitlandi.
loyihaga muallifi: Nodir Yusupov

RASMLARDAGI 7 TA FARQNI TOPING



JURNALLARIMIZGA OBUNA
BO'LISHNI UNUTMANG!

O'ZBEKCHA
OBUNA INDEKSI:

882

INGLIZCHA
OBUNA INDEKSI:

967